

## Speißkammer.

fr

Das man aber auß eigener erdachten andacht / vñ  
superstition die plagen vnd zorn Gottes zu stillē feur  
anzündet vnd anders thut / halten wir für heidnisch / pli. lib. 2.  
abgöttisch vnd verdamlich / sonst wöllen wir der na<sup>cap. 5r.</sup>  
tur iren lauff nit allein im feur / sonder in allen elemen  
ten vnd Creaturen gern bleiben lassen.

## Von den Namen.

**D**ie Poëten geben dem feur vil namen / das laßē  
wir berügen / vnd sagen das feur bei den Griech  
en ἕρως vñnd zu Latin Ignis heißt / sol im himel Phoe  
bus vñnd in der hellen Vulcanus sein. Die arme Chri  
sten werden getrungen vil dings zu glauben / das er  
stuncken vnd erlogen ist.

## Von der Krafft vñnd würckung.

**G**nmüglich ist die gewaltige würckung / Krafft /  
vnd wunderwerck des feurs zu beschreiben / dan  
wer ist je so geleert worden / der des himlischen feurs  
werck könte erzölen / allein das wissen wir wol wie dz  
alle ding vom feur nit allein das leben bekommen / son  
der auch vom feur erleüchtet / erwörmet / erneret / ers  
quicket / gekocht / gezeitiget vnd in einem rechten wes  
sen bis zum ende erhalten werden. Also auch wer ist /  
der das vnderst vnser feur in vñnd auff der erden / in  
wassern vnd bergen / was es für seltsame würckung /  
Krafft vnd wunderzeichen übe vnd sehen laßt / gnüg.  
C